

誦上天度人章
送亡靈如儀

回壇

向來

靈寶領教濟度金書卷之一百十四

靈寶領教濟度金書卷之一百十五一百十五

洞微高士開光救苦真人審金具授

靈寶通玄弘教水南先生林靈真編

科儀立成品 血湖道場用

冥官醮儀

步虛 活淨

請稱法位

具位某謹上啓

北陰玄天鄧都大帝東嶽天齊仁聖帝地府
十宮真君溟冷大神五道大神九幽地獄主
者大鐵圍山無間破石血湖地獄主者血湖
掌罪籍究對冥官翻體大神擲尸大神食心
啖腦鬼王某州社令尊神本州本縣城隍主
者當境土地里域主者遠近廟貌祀典神祇
齋主家土地司命六神一切威靈伏以清微
御極羅敷三洞之慈雲赤明開圖煥耀十華
之慧日極死魂於北鬱鍊生魄於南昌恩浹
千生仁同一視茫茫苦海孰砥柱於迷津香
杏血湖曷津梁於彼岸玉錄侈度人之典金
章勒司殺之曹昭天漏泉雖荷元皇之德澤

承流宣化猶資冥職之慈悲肅即玄壇爰仲

輪祀靈光洞煥開八極之陽春神馭駢羅離

九幽之長夜不違丹悃剋赴清筵法衆運誠

志心奉請

請神

初獻 散花

某上啓

北陰玄天鄧都大帝東嶽天齊仁聖帝地府
十宮真君溟冷大神五道大神地司列曹冥
官主職州縣城隍當境土地醮筵內外一切
真靈伏以清都紫府陽光儼先聖之居黑壤
黃泉陰暗號鬼神之宅受中免分於迷悟生
神運判於升沉十宮六洞之森嚴班聯赫奕
五苦三塗之沉滯憲令昭彰惟血湖之幽牢
連鐵圍之朔境業風振蕩產魂顛冥飲絳吞
腥考訊無論於貴賤含冤茹苦拘囚莫記於
春秋不聞三寶之名永隔九清之境雖絲報
對實累生成帝矜祖杰之分靈忍置陶鑄之
外神稟天符而度命悉歸膏澤之中伏願體
道好生法天救死霹靂雷霆之怒刀化樹而劍

為竊數雨露之恩永靜波而火息焰終藉三天之隆獲超九地之幽除罪簿滅惡根契度人於十轉開生門塞死戶符救苦於十華請命動梁陳詞激切其不勝虔祝之至謹當亞獻

酌酒 散花

恭上啓

北陰玄天鄴都大帝東嶽天齊仁聖帝地府十官真君琪冷大神五道大神地司列曹真官主職州縣城隍營境土地醮筵內外一切威靈伏以大哉乾至哉坤極資死資生之效保其神貴其忝成唱恭唱奉之功兩平合而天粹混成二五凝而神光爛若既獲胚輝之種子皆期素齋以成人何十月之末周胞胎遽殞或百粹之尚遠毋子俱亡驚神識之沉淪歎穢腥之陷溺終天負痛扣地憐矜雖三生之冤業使然亦一念之根塵致爾血池浩蕩聖經已迷其寒心幽域淒涼帝赦徒煩於側耳非由曲度曷副私祈今齋主某伏為亡故某崇建玄壇敷陳素悃金真演教植萬劫

之津梁玉匱告齋開九幽之徑路朱章露奏玉簡風飛請三炁以流光告三元而赦罪願遵帝旨慨歛靈威凡係薦之真魂與見禁之囚爽香消業債俾出冥途淨尸魄而部衛形魂斬根伐滯復元神而超凌冥滓受化更生悉由提拯之恩敢昧獻酬之敬謹伸終莫

終獻 散花

禮周三獻詞不再陳元始王符謹當告下

告符

飛空步虛頌

宣疏

恭謹重誠上啓醮筵內外合座威靈伏以無私覆無私載之恩不言善應不在大不在小之罪與物為春惟元始之真符實幽關之曲赦扣地荷而誕布驛吏星馳奉天命而對揚冥曹雷動盪回惠澤普濟幽靈時刻升遷賴侍衛送迎之力天人欣慶無拘留逼合之憂莫獻有彝忱恂可馨恪祈洪造永翊玄風恭不勝瞻戀之至謹當奉送

復爐

回駢頌

送聖

向來

關血湖燈破獄儀

步虛 洒淨

焚降真召靈符

具位臣某謹焚香供養

太上元極大道虛元自然元始天尊妙无上帝虛皇玉晨大道君妙有上帝萬變混沌玄元老君至真大帝東極青玄老君太乙救苦天尊運明保元上帝无上元皇上帝南極真王朱陵大帝玉清真王長生大帝九微太真青童大道君靈虛玉女丹皇大道君迴風混合九霄玉帝道君无上度人三十二炁玉帝道君五靈五老五炁天君天地水三官帝君中天九皇上真道君上清靈寶五師真君三天門下泰玄樞機三省列相天君大慈大悲救苦真人大惠真人普救真人普度真人南宮度人不死尊神度世司馬大神好生韓君丈人迴骸起死監生大神三洞四輔經錄法

中高具上聖流傳至教經籍度師名山洞府
考較真仙北陰玄天鄴都大帝東嶽天齊仁
聖帝三界應感宣德承符一切威靈仗此寶
香普同供養伏以精粹混疑一炁運無形之
表玄黃剖判三靈開有物之先陽運乾而陰
運坤明為人而幽為鬼顛躋塵路鑿混元以
蕩百神報對冥關隨輪轉而迷一性矜唱奉
敬順之質忘保身貴悉之方因胞胎而蕩生
茫茫慾海致形神而趁死渺渺血湖扣地誰
矜終天莫籲是以元皇流光於三炁清微破
暗於五元玉匱啓齋金真演教俾脫塗炭而
處枉席鶴赦昭宣為作砥柱而植津梁龍恩
曠蕩美於然燈之式庸資度命之功今齋主
某伏念亡故某溥及十方一切產魂受質女
身驚心宿命四大修罹於產厄五神或滯於
血尸恭潔玄壇肅揚清範神燈朗耀開九幽
不夜之天寶炬騰輝幻四澤長春之景伏願
衆真矜憫列聖垂憐舒靈寶之妙光煥朝單
之慧燭重昏遇朗耀血池變作清涼幽暗沐
陽和陰境化為天界傾心接引穩步道遙臣

不勝瞻望懇祈之至

元皇開度天尊

焚開陰曹符

具位某謹焚香供養北陰泉曲九幽地獄主
者二十四大地獄主者八十一大地獄主者
三塗五苦地獄主者大鐵圍山無間地獄主
者大鐵圍山硤石地獄主者大鐵圍山血湖
地獄主者翻體大神擲尸神王食心噬腦鬼
王百萬鬼卒等衆城隍社令囚禁攸司一切
主者仗此寶香普同供養伏以八炁九極班
聯赫奕於冥曹萬劫千齡罪對權衡於陰府
宣化稟形坤之今持平教赤縣之仁奮威神
而御黔黎雖秋霜之凜若昭憲章而定善惡
亦冬日之溫如受中以生惟人為貴焚天和
於五賊循人欲於三彭生也有涯執念分靈
之祖烝死而後已難逃置對於元辰况茲苦
海之飄沉莫甚血湖之腥穢是以玄元啓運
雲錦開囊龍章昭三炁之符風篆燦五元之
令煥恩綸於九地玉籙流光凝道烝於三天
金真演教肅啓然燈之式以為度命之階今

齊主某伏為亡故某普及十方一切產魂蒲

柳微生荆麻弱質宿命修罹於產厄天魂未

離於血尸恭按齋盟恪修妙範沙鋪獄墨圍

扉法象於鐵圍燈列慧光寶炬開明於硤石

伏願冥官赦罪考吏停刑體上帝之好生矜

一愚之趁死化血湖作清涼之沼道烝周流

變苦具為寶霽之林靈光洞煥俱被晨陽之

照悉超寒夜之鄉甚不勝虔祝之至稽首皈

依无極大道

大聖元始天尊

大聖靈寶天尊

大聖道德天尊

三尊聖號萬劫難聞九壘冥曹一心皈命準

天尊之王教降破獄之金符開赦幽關放拔

罪典剋時定令風火無停謹仰關啓靈寶青

玄持符破獄一行官吏疾請駕空馭景來赴

玄壇恭按天符下開地獄逐齋主飯依之烟

宣帝真化育之仁所有太上教破血湖符命

依科告下

宣符 關發

衆誦隱語旋統

元皇開度天尊

引至無間獄前

焚慧光符

謹按經云鄧都大鐵圍山之南別有一獄號

曰無間世人造罪死入其中莫分男女貴賤

之殊均受水火陰陽之考一晝一夜萬死萬

生盡大地投芥拂石之期絕終天乘昏凌空

之望陽羅弗獨常救不原今有齋主某資薦

亡故某普及一切產魂稱揚金容聖號然點

玉籙神燈假此慧光照彼幽獄俾諸罪奧咸

觀陽明悟多生恣情縱欲之愆為善最樂迴

一點受中命靈之性與道合真此鬱削名南

宮受化仗茲無盡功德開度係薦亡靈清衆

運誠玉音讚嘆

仰啓三天主 元皇無上尊 願臨無間獄

開度產亡魂和往生神仙界

法師執策杖行持

焚迴光符

鐵圍南際列層城 無間幽牢考吏明

上胡九霄司禁律 下提八極職章程

周旋業網難迴死 了悟玄機定返生

珍重元皇宸澤溥 疾辭黑鬱上未陵

元皇開度天尊

引詣破石獄

焚慧光符

謹按經云大鐵圍山無間地獄東南復有一

獄號曰破石世人造罪死入其中上天下尖

開一縫而業風攝入中空外因聚百藥而毒

汁周流長夜冥冥終天慘慘坐閱億劫之久

不聞三寶之名今有齋主某資薦亡故某普

及一切產魂稱揚金容聖號然點玉籙神燈

假此慧光照彼幽獄俾諸罪奧咸觀陽明悟

多生汚漫水漿之愆慧日破暗迴一點滅除

煩惱之性法雨清塵玉簡上生金書度命仗

茲不盡功德開度係薦亡靈清衆運誠玉音

讚歎

仰啓三天主 元皇無上尊 願臨破石獄

開度產亡魂和往生神仙界

執策杖行持

焚迴光符

鐵圍破石鎮幽都 位列東南跨海隅

赫奕威章翻惡簿 紛紛憲令勒刑書

九天煥紫鸞臺耀 十地勾朱杆室虛

珍重元皇宸澤溥 寒池部衛上天衢

元皇開度天尊

引詣血湖獄

焚慧光符

謹按經云大鐵圍山破石地獄極北之地又

有一獄積血成湖號曰血湖世間婦女因產

亡身魂墮其中腥波飛濺而浩渺無涯穢浪

飄流而杳冥莫測帝命弗至天赦罔臨神彰

翻體擲尸之名鬼備啖腦食心之號劫運有

極罪對無終今有齋主某資薦亡故某普及

一切產魂稱揚金容聖號然點玉籙神燈假

此慧光照彼幽獄俾諸罪奧咸觀陽明悟多

生彌穢三元之愆名消黑壘迴一點具足五

明之性魂度朱陵飛空步虛登真悟道仗茲

不盡之功德開度係薦之亡魂清衆運誠玉

音讚嘆

仰啓三天主 元皇无上專 願臨血池獄
開度產亡魂和往生神仙界

執策杖行持

鐵圍極北血湖牢 宣化威靈職憲曹

雨露無私恩廣大 雷霆有赫禁周遭

龍符駕夜周三際 鳳詔乘晨遍八遙

珍重元皇恩澤溥 玉虛光稟任翔翔

元皇開度天專

歸位誦清靜經

向來神燈破暗丹簡開幽陰庭垣赫於陽光
夜登昭回於晝景神王稟命獻卒歎顏鐵壁
銅牆化寶節絲棼而接引水池火沼變祥雲
甘露以沾濡荷上聖之提携仰玄真之援拯
伏願亡故某及一切產魂濯沐晨輝澄清業
垢等虛空而更無染着達生生化化之機悟
具常而不礙去來造有有無無之妙耀驪珠
於滄海明晃魄於青霄見性成真迴光度命
三塗羅對十極同仁稽首皈依無極大道
念善
靈寶領教濟度金書卷之一百十五

靈寶領教濟度金書卷之一百十六

洞微高士開光救苦真人寶金具授

靈寶通玄私教水南先生林靈真編

科儀立成品血湖通場用

請降救救玉札立幕頌告儀

壇前立班

步虛 上香

具位且甚誠惶誠恐稽首頓首再拜上言
聞化機密運於三天妙陰陽而靈齋帝渥昭
回於萬有極生死以陶鑄永為硤石血湖之
牢實違無間鐵圍之境終天考對歷劫幽囚
非淚汗於德音超愛於滯識今有齋主某
伏為亡故某稟生女質沒命產傷形神穢腥
慮沉淪於幽域冤憎結習難解脫於冥關乞
就玄壇恭依金籙頌元皇之救救宣壁骨之
靈書提放幽靈來臨陽境重念且偶緣宿運
叨茲真階幸慶會於風雲羽儀八表盡承宣
於雨露澤潤三塗期教化育之功密贊生成
之德況茲亡真寶可驚神業蘊客塵隨六入
而六因自現識紫報障墮九夜而九死誰扶

宜無悔過之忱孰導登真之路擬依玉格宣

告金符流三炷而蕩五元救除業垢煥七星

而開九壘攝取真魂欲望上帝垂矜聖真曲

憫救下羅鄼寒夜泉曲幽庭地水職司城隍

社令依準開度時刻升遷玉龍飛躍於天衢

恩流夜擊金虎奔騰於地域威制冥曹副齋

主激切之忱遂微巨開度之念且不勝瞻天

望聖激切屏營之至謹伏案前恭伺天恩報

應

拜伏

誦大行梵炁章 三拜起

填赦

侍職喝

上清靈寶玄壇恭奉道旨頒行元皇救赦三

炁流光真符玉元蕩滌血湖真符北斗玄真

太乙混元玉札開度亡故某及一切產魂地

水職司城隍社令冥關幽路主者萬神各宜

整肅拱聽宣布

宜流光符 宜血湖符

宣教赦 宣玉札